

Mitovi o državnoj imovini

MIT 1: RASPODJELA

Tvrdnja: "Raspodjela" je izraz novijega datuma koji podrazumijeva oduzimanje imovine od države BiH.

Stvarnost: Izraz „raspodjela“ znači kako se nešto treba **podijeliti u skladu s utvrđenim planom**. U ovom kontekstu ga je Vijeće ministara BiH koristilo još od 2004. godine. Kasnije je Vijeće za provedbu mira usvojilo istu terminologiju kada je obrazložilo da je jedan od ciljeva za završetak međunarodne supervizije u BiH „prihvatljivo i održivo rješenje za raspodjelu imovine između države i drugih razina vlasti.“

Krajnja svrha državne imovine je služiti boljitku svih građanki i građana Bosne i Hercegovine!

MIT 2: STATUS DRŽAVNE IMOVINE

Tvrdnja: Pitanje državne imovine već je riješeno.

Stvarnost: Pitanje državne imovine **nije riješeno** u Daytonu 1995. godine i još uvijek predstavlja jedan od ciljeva i uvjeta za završetak međunarodne supervizije u BiH.

Daytonski sporazum i Ustav BiH ustanovili su BiH kao nasljednicu nekadašnje Republike Bosne i Hercegovine. Kao jednu od zemalja nasljednica bivše SFRJ, Ustavni sud BiH potvrdio je BiH za titulara državne imovine. Sveobuhvatno i održivo rješenje za raspodjelu imovine između države i drugih razina vlasti treba biti usvojeno u Parlamentarnoj skupštini BiH.

Do tada, **oni koji trpe zbog sadašnje pravne nesigurnosti su građanke i građani Bosne i Hercegovine.**

MIT 3: TERITORIJ

Tvrdnja: Inzistira se na pitanju raspodjele imovine kako bi se entitetima oduzeo teritorij.

Stvarnost: Pitanje državne imovine **ne utječe** na teritorijalni omjer utemeljen Daytonskim mirovnim sporazumom. Na primjer, perspektivna vojna imovina uknjižena kao vlasništvo Ministarstva obrane BiH i dalje je dio teritorija entiteta. Isto važi za imovinu u vlasništvu privatnih osoba ili poduzeća, ili za velike industrijske komplekse sa stranim kapitalom poput željezare u Zenici ili rafinerije u Brodu.

Pitanje državne imovine je tehničko i funkcionalno pitanje kako bi se našao najbolji način da se državna imovina stavi u službu boljitka svih građana i građanki Bosne i Hercegovine.

MIT 4: SUVERENITET

Tvrdnja: Otvaranjem pitanja državne imovine ugrožava se egzistencija Bosne i Hercegovine

Stvarnost: Pitanje državne imovine je interno tehničko pitanje Bosne i Hercegovine koje ne utječe na temeljnu strukturu BiH kao jedinstvene, suverene države koja se sastoji od dva entiteta.

To je tehničko i funkcionalno pitanje s ciljem da se državna imovina iskoristi tako da na najbolji način služi interesima svih građana i građanki Bosne i Hercegovine.

MIT 5: NADLEŽNOST

Tvrdnja: Parlamentarna skupština BiH nije nadležna za pitanje državne imovine jer ona pripada entitetima.

Stvarnost: Parlamentarnu skupštinu Bosne i Hercegovine čine 42 zastupnika izabrana iz oba entiteta i 15 izaslanika koje izravno biraju Parlament Federacije BiH i Narodna skupština Republike Srpske. To znači da je, prema svojim ustavnim ovlastima i prema sastavu, Parlamentarna skupština BiH **jedino nadležno i najbolje mjesto** za usvajanje sveobuhvatnog zakona kojim će se riješiti pitanje državne imovine za boljitak svih građanki i građana Bosne i Hercegovine.